

4 'pahlawan S'pura sertai pertunjukan silat di KL

28 FEB 1975

SERAMAI enam orang anggota Silat Harimau Singapura yang berlepas ke Kuala Lumpur malam kemarin telah mengadakan pertunjukan silat di Stadium Negara Kuala Lumpur.

Rombongan tersebut yang diketuai oleh Encik Sulaiman Ismail diundang oleh Persatuan Silat Lincah Malaysia. Selain dari Singapura, Persatuan tersebut juga mengundang Kumpulan Silat Ikhwanul Mustaffa dari Indonesia, kumpulan dari Filipina dan Thailand.

Rombongan-rombongan dari keempat negara ASEAN itu diundang oleh

Malaysia untuk mengadakan pertunjukan seni silat masing-masing sempena dengan pertandingan silat seluruh Malaysia yang diadakan di Stadium Negara Sabtu ini.

Pengadil

Sementara itu, guru silat Kumpulan Silat Harimau yang mewakili Republik ini ke pertunjukan itu, Encik Husni Ahmad, 50 tahun, telah diundang untuk menjadi pengadil bagi peraduan seni silat Malaysia itu.

Empat orang 'pahlawan' Singapura yang menunjukkan silat mereka itu ialah Abdul Fakir Husni, 17 tahun; Kassim Ahmad, 18 tahun; Isnin Ahmad, 19 tahun dan Rafee Hitam, 17 tahun.

Mereka menunjukkan tiga jenis silat di pertunjukan itu. Silat-silat tersebut ialah Silat Pukulan

(permainan tangan), Silat Keris dan Silat Kebathinan.

Abdul Fakir dan Isnin berpasangan untuk menunjukkan Silat Pukulan, sementara Kassim dan Rafee menunjukkan Silat Keris. Silat Kebathinan dipersembahkan oleh Abdul Fakir seorang.

Menurut Encik Husni, seramai 30 orang anggota pencak silat dari Malaysia dipinjam untuk pertunjukan Silat Kebathinan yang dipersembahkan oleh Abdul Fakir.

Pemuda berusia 17 tahun itu menunjukkan keahwalannya dalam ilmu kebathinan menentang 30 orang.

Setelah mengadakan pertunjukan di Kuala Lumpur, rombongan silat negara ASEAN itu termasuk Persatuan Silat Lincah Malaysia akan mengadakan pertunjukan di Pulau Pinang pula.

Rombongan Singapura dijangka berada di sana selama seminggu.

Silat Laksemama Hang Jebat jadi juara baru

- 4 MAR 1975

SILAT Laksemama Hang Jebat dari Selangor muncul menjadi juara baru pertandingan Silat Kebangsaan di Stadium Negara, malam tadi.

Menteri Kebudayaan Bella dan Sukan Datuk Ali Haji Ahmad, Timbalan Menteri Penerangan Encik Shariff Ahmad dan Ketua Menteri Sarawak, Datuk Patinggi Abdul Rahman Yaacob adalah di antara kira-kira 15,000 penonton yang menyaksikan pertandingan itu.

Pemenang kedua ialah Silat Pelanduk dari Melaka, sementara Silat Depo Wojo dari Selangor menduduki tempat ketiga.

Sebanyak sepuluh jenis silat di Semenanjung Malaysia menyertai pertandingan itu. Tiap ne-

KL: Isnin

geri diwakili oleh satu pasukan, kecuali Selangor yang mengirimi dua pasukan.

Datuk Ali Haji Ahmad telah merasmikan pertandingan tersebut dan menyampaikan hadiah.

Selain dari pertandingan, pertunjukan silat dari negara ASEAN juga diadakan.

Antaranya ialah dari Filipina, Indonesia, Singapura, Thailand dan Malaysia.

Pasukan Filipina bernama Arnis Expert mempersembahkan permainan kayu dan pedang. Sementara dari Singapura Harimau Aihan menunjukkan gerak 'Harimau' dan pukulan rohani.

Silat Ikhwanussafa dan P.D. Lindo menunjukkan tiga peringkat permainan — sembah, Buah Gayung dan Cara Sukan.

Pertunjukan paling menarik ialah permainan Tommoi Siam yang ditunjukkan oleh empat orang peserta yang kelihatan kekok kerana pertunjukan tersebut dijalankan di atas lantai stadium dan tidak di atas pentas.

Mereka kelihatan kekok dan penonton telah bersorak-sorak.

Turut menunjukkan kehandalan mereka ialah pendekar-pendekar Silat Lincah, Silat Kalimah Malaysia, Silat Titipinang, Pukulan Sendang Johor, Silat Tralak dari Gombak dan Silat Cekak.

Sementara itu, satu pertunjukan perdana Silat ASEAN akan diadakan di Pulau Pinang esok.